



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

Charta Absolvtonis Domini Regis.

**urn:nbn:de:hbz:466:1-15588**

ANNO CHRISTI  
1172.  
erant in exilio, & concessit eis libere & in pace ad propria redire. Iurauit etiam, quod possessiones Cantuariensis ecclesie, si que ablate sunt, in integrum restituueret, sicut habuit uno anno antequam ex Anglia egredieretur beatus Thomas Cantuariensis archiepiscopus. Iurauit etiam quod consuetudines, que induxerunt contra ecclesias terre sue in tempore suo, penitus dimittet. Et hoc omnia iurauit se fore obseruantur bona fide & sine malo ingenio. Fecit etiam Henricum regem filium suum huc omnia capitula iurare tenenda; praeter illa que propriam eius personam contingebant. Et ut bac in memoria Romana ecclesia haberentur, rex pater fecit apponi sigillum suum scripto illi in quo supradicta capitula continebantur, una cum sigillis predicatorum cardinalium. In hanc formam:

### CHARTA ABSOLUTIONIS

DOMINI REGIS.

Henrico Dei gratia illustri regi Anglorum Albertus tituli sancti Laurentii in Lucina, & Theodinus tituli sancti Vitalis presbyteri cardinales, apostolicæ sedis legati, salutem in eo qui dat salutem regibus.

**N**e in dubium veniant quæ geruntur, & usus habet, & communis consideratio utilitatis exposcit, ut scripturæ serie debeat annotari. Inde quidem est quod nos mandatum illud in scriptum duximus redigendum, quod vobis pro eo facimus, quia malefactores illos, qui sanctæ memorie Thomam quondam Cantuariensem archiepiscopum occiderunt, occasione motus & turbationis quam viderunt in vobis, ad illud facinus processisse timetis. Super quo tamen factō purgationem in præsentia nostra de voluntate propria præstitistis, quod videlicet nec præcepistis, nec voluistis ut occideretur: & quando peruenit ad vos, plurimum condoluitis.

Acta publica scriptis tradita.

Ab instanti festo pentecostes, usque ad annum, tantam dabitis pecuniam, unde ad arbitrium fratrum Templi ducenti milites valeant ad defensionem terræ Hierosolymitanæ per spatium unius anni teneri. Vos autem a sequenti natali Domini, usque ad triennium, accipietis Crucem; proxima tunc estate illuc in propria persona, ducente Domino, profecturi; nisi remanseritis per dominum papam, vel catholicos successores eius.

Sane si contra Saracenos pro urgente necessitate in Hispaniam profecti fueritis, quantum temporis fuerit ex quo arripueritis iter, tantumdem supradictum spatium

Ccc iii

Hierosolymitanæ profectionis poteritis prolongare. Appellationes nec impeditis, nec impediri permittetis, quin libere fiant in ecclesiasticis causis ad Romanum pontificem bona fide, & absque fraude & malo ingenio; vt per Romanum pontificem causæ tractentur, & consequantur effectum suum; sic tamen, vt si vobis suspecti fuerint aliqui, securitatem faciant, quod malum vestrum, vel regni vestri, non querent. Consuetudines, quæ inductæ sunt contra ecclesias terræ vestræ, in tempore vestro penitus dimittetis, possessiones Cantuariensis ecclesiæ, si quæ ablatae sunt, in plenum restitugetis, sicut habuit uno anno antequam archiepiscopus de Anglia egredetur. Clericis præterea & laicis vtriusque sexus pacem, vestram gratiam, & possessiones suas restitugetis, qui occasione prænominati archiepiscopi destituti fuerunt. Hæc autem vobis, auctoritate domini papæ, in remissionem peccatorum vestrorum iniungimus, & præcipimus obseruare absque fraude & malo ingenio. Hoc sane coram multitudine personarum iurauistis vos pro diuinæ reuerentia maiestatis. Iurauit & filius vester, excepto eo quod personam vestram specialiter contingebat. Et iurauit ambo, quod a papa domino Alexandro, & catholicis successoribus eius, quamdiu vos, sicut antecessores vestros, & catholicos reges habuerint, minime recedetis. Atque vt in memoria Romanæ ecclesiæ firmiter habeatur, sigillum vestrum præcepistis apponi.

Post hæc autem idem Rogerus his subiicit legatorum epistolam, tunc temporis datam ad Rauennatem episcopum, qua res tunc gestas scripere. Sic se habet:

Venerabili in Christo & dilecto fratri Giliberto, Dei gratia Rauennensi archiepiscopo, Albertus dignatione diuina tituli sancti Laurentii in Lucina, & Theodinus tituli sancti Vitalis, presbyteri cardinales, apostolicæ sedis legati, quod promisit Deus diligentibus se.

Legatorum  
epistola ad  
archiepi-  
scopum  
Rauennen-  
sem.

Q VONIAM desiderare vos credimus, vt de statu nostro, & de iniuncti nobis promotione negotii aliquid audiatis, idcirco qualiter nobiscum, & per ministerium mediocritatis nostræ Deus egerit his diebus, fraternitati vestrae præsenti scripto duximus indicandum. Noueritis